

7342

Z. Z. n.

Opuntia hueg higuerchenchach
yungaschampasque 4-17 may.

Zulu

1906

329.14

z-24

1672

ՀԿ8



Թ Բ Ա Գ Ի Բ

4. 3. ԳԱՅՆԱԿՑՈՒԹԵԱՆ

(Տօրորդ ազագրութիւն)

1906
Ժ Բ Ն Ե Վ Ա

Պատմակցութեան
Տ Պ Ա Ր Ա Ն

2010

329.14
2-24

2002

ԾՐԱԳԻՐ

ՀԱՅ ՅԵՂԱՓՈԽԱԿԱՆ

ԴԱՅՆԱԿՑՈՒԹԵԱՆ

Կ Ա Զ Մ Ի Ա Ծ

1892 թ. ԸՆԴՀԱՅԱՊԻՐ ԺՈՂՈՎՐԴԻՆ

3640

1672

Այն ժամանակէն, երբ մարդկութիւնը մտեր է քաղաքակրթութեան ձամքուն մէջ այն ժամանակէն երբ նա սկսեր է իր պատմութիւնն ունենալ ամեն տեղ և ամեն ժամանակ կը տեսնենք իշխողներ ու հպատակներ, կեղեքողներ ու կեղեքողներ, տանջողներ ու տանջողներ. Տառապեալներու լացին ու կօծին, աշխատաւորին ծանր տնքոցին հետ միասին՝ ամեն տեղէ մեր ականջին կը հասնին ձրիակեր իշխողներու ցնծալից աղաղակները. Այսպէս եղել է անցեալին մէջ այսպէս է այժմ, սակայն այդպէս պիտի չըլլայ ապագային մէջ.—մենք վստահ ենք ատոր: Շատ լու կը տեսնենք, թէ ինչպէս իշխող դասակարգերը միշտ կ'իյնան աւելի և աւելի թէ փիկիապէս և թէ բարոյապէս, թէ ինչպէս աշխատանքը հետզհետէ ձեռք կը ձգէ իր իրաւունքները, թէ ինչպէս կեղեքող տարրը հսկայական քայլերով կը մօտենայ իր վերջնական յաղթութեան: Եւ այդ տարրը կը հասնի կատարեալ յաղթութեան, երբ կը



վերնան ամեն տեսակ դասակարգեր, երբ աշխատանքի միջոցները և արդինքը կը դառնան աշխատաւորին կատարեալ սեփականութիւնը, երբ մարդոց կառավարութեան կը փոխարինէ իրերու կառավարութիւնը:

Բայց ի՞նչպէս կարելի է հասնի այդ բաղձալի ապագային:

Կար ժամանակ, երբ մարդկութեան բոլոր ցաւերը բուժելու, տիրող անհաւասարութիւնը ջնջելու, եղբայր ու ու թիւն, ազատութիւն ու հաւասարութիւն համար մարդկութեան բէֆօրմատօրներ (բարենորոգիչներ) երեան կուգային աւս կամ այն վարդապետութիւնով, իրենց որոշ նշաւատոյ հանգանակներով¹: Համոցւած իրենց վարդապետութեան արդարութեանը, ոգևորած վեհ զգացումներով, պատրաստ կրել ամեն տեսակ զրկանքներ, զոհել կեանքն իսկ՝ իրենց գաղափարները մարմացնելու համար, այդ բէֆօրմատօրները կը նայէին ամբողջ մարդկութեան վրայ այնպէս, ինչպէս իրենց վրայ: Անոնք հաւատացած էին թէ բովանդակ մարդկային հասարակութիւնը կարող է ունենալ նոյն զգացումները, նոյն ձգտումը, նոյն պատրաստականութիւնը, ինչ որ իրենք ունին, թէ իրենց վարդապետութիւնը կարող է իրականանալ հենց վաղը, — պէտք է միայն բարողել հասկացնել անոր արդարութիւնը և օրինակներ ցոյց տալ:


Անցան գարեր, մէկ վարդապետութիւն յաջորդեց միւսին, շատ բէֆօրմատօրներ զոհւեցան, բայց և այնպէս կը տեսնենք թէ մարդկութեան մէկ մասը, — որու համոզւին իսկապէս անհրաժեշտ է, որովհետեւ անոր ձեռքը կը գտնուի անարդարութեան բանալին, — գեռ ևս չէ համոզւիր, չուզեր համոզւիլ և ոչ մէկ կերպ ալ չի գար: Համոզեցէք քաղաքակարթւած անգիտական լորտը, թէ

իրաւունք չունի իրլանդացիները կեղեքել համոզեցէք բարձրագոյն ուսումնացած գործարաննատէրը, թէ անարդար կերպով է որ իր գրպանը կը լեցնէ բանւորներու աշխատանքը. համոզեցէք վերջապէս քիւրդը, որ ինքը ոչ մէկ բարոյական իրաւունք չունի ալաշկերտցին տունը և ընտանիքը գրաւելու...

Պատմութեան գառն ու գաժան գասերը ակներե կերպով ցոյց տիին միանգամայն, թէ մարդկութեան տանջւած մասին իր գառն վիճակը հասկանալը, համոզւիլը, մինչեւ իսկ զայն բարեփոխելու բաղձալը, գեռ ևս բաւական չեն յաղթանակը տանելու, թէ ատկէ զատ անհրաժեշտ է ձեռք բերել իրական ոյժ ալ: Բայց որովհետեւ այդ իրական ոյժը յանկարծակի չստեղծւիր, որովհետեւ անիկա արդինք է գոյութիւն ունեցող պայմաններու և կը փոխւի այդ պայմաններուն փոփոխման համեմատ, ուստի պարզ է, թէ ոչ մէկ հանրային կազմակերպութիւն, որքան ալ իտէալական ըլլայ, մէկ անգամէն անկարելի է իրականացնել թէ այդ իտէալական կազմակերպութեան կարելի է հասնիլ միմիայն գոյութիւն ունեցող պայմանները բարեփոխելով:

Ահա ճիշդ այս պատճառով, մենք ասպարէզ չենք իջեր իբրև այս կամ այն իւ տօպի և կան (մտացածին) վարդապետութեան պատկանողներ, չենք ձգտիր մտցնել մեր կեանքին մէջ այս կամ այն դաւանութիւնը² հանգերձ իր „հանգանակներով“, մեր ժողովրդին չենք նկարագրեր այժմ այս կամ այն իտէալական հանրային կազմակերպութիւնը իր բոլոր մանրամասնութիւններով: Մեր ձրգտումն է, որ մեր ծրագիրը կենսական ըլլայ: մեր ուշագրութիւնը, գլխաւորապէս, կեզրոնացած է մեր երկրի ներկայ դրութեան վրայ: մեր նպատակն է անողոք և անաչառ քննդատութեան ենթարկել մեր կեանքին ներկայիս մէջ գոյութիւն ունեցող պայման-

93480-62



1589-2002

ները, մերկացնել բոլոր այն ցաւերը, որոնցմէ կը տանջւի
մեր բազմաչափաց ժողովուրդը, և, հիմնւած ընկերական
գիտութեան դրական օրէնքներու վրայ, պարզել արդ
ցաւերուն էական պատճառները և միաժամանակ կա-
տաղի կուի մղել այդ ցաւերը պատճառող պայմաննե-
րու (Փակտօր) դէմ: Հիմնւած նոյն դրական օրէնքներուն
և երկրին ներկայ պայմաններուն վրայ՝ կ'արծարծենք,
կը պարզենք այն դրութիւնը, զոր անհրաժեշտ կը հա-
մարինք, որ փոխարինէ ներկային:

Տեսնենք այժմ թէ ինչ կը ներկայացնէ մեր կեանքը:
Թիւրքերը մեր երկրին տիրապետելէն ետքը ամեն
ջանք ի գործ գրեր են մեր ժողովուրդը վերածելու
կաստա ի մը (գասի), որու պարտականութիւնն ըլլայ
միմիայն աշխատիլ արդիւնաբերել ուրիշ ոչինչ: Պէտք
էր այդ ժողովուրդը մշտական հպատակութեան տակ
պահել և անարգել կերպով ծծել անոր արիւնքրտինքով
և զրկանքով ձեռք բերած աշխատանքը: Ահա ատոր հա-
մար անհրաժեշտ էր մեռցնել այդ տարրին ռազմական
ոգին, թողլով որ նո աշխատի եղան նման և այդ աշ-
խատանքով կերպակրէ տիրապետող տարրը: Թիւրքերը
բնաջինը ըրին մեր ազնւականութիւնը և իրենք բռնե-
ցին անոր տեղը, խեցին ժողովրդին ձեռքէն սուր, հրա-
ցան, ամեն տեսակ պաշտպանութեան զէնքեր և թողին
միայն արօն ու բրիչը: Արտաքսեր են մեզ զինւորական
ծառայութենէն և զինւորի փոխարէն մեզմէ կ'առնեն
բազմատեսակ հարկեր՝ կերակրելու համար իրենց զին-
ւորները և բազմաթիւ պաշտօնեաները. ամենածայրայեղ
գէպերու մէջ անգամ չէին դիմեր մեր օգնութեանը,
երկիւղ կրելով որ այդ զէնքը օր մը կարող է իրենց
գլխուն գառնալ: Մէկ խօսքով թիւրքերը ձգտեր են մեզ
գնել ձիզգ այն դրութեան մէջ ինչ դրութեան մէջ որ
էին ի լո գ ն ե ր ը (ստրուկ) սպարտացիներու ձեռքին

տակ: Զանազան պատճառներով որոնց մասին երկար
պիտի ըլլայ հոս խօսիլը, այդ բանի մէջ չյաջողեցան
անոնք բարեբախտաբար. անոնց այդ ձգտումը չկրցաւ
իրականանալ լիակատար կերպով: Բայց և այնպէս, երկրին
ժողովրդին մէջ կ'որոշւեր երկու իրարմէ բաժնւած, եթէ
ոչ կ'աստա, գէթ գասակարգ, հիմնւած բռնի փիզի-
քական ուժի վրայ. մէկ կողմէն առանձնաշնորհեալ
միւսլիմոն տարրը, միւս կողմէն բազմաթիւ քաղաքական
իրաւունքներէ զրկւած քրիստոնեայ ժողովուրդը: Ժամա-
նակի ընթացքին, գլխաւորապէս երկրին տնտեսական
զարգացման շնորհիւ, այդ երկու դասերուն տարբերու-
թիւնը աստիճանաբար նւազեր է, բայց գեռ բոլորովին
չէ վերջացեր. տարբերութիւնը խիստ զգալի է գեռ:
Այդ անհաւասարութեան պաշտպանը, ուժ տւողը հիմա
թիւրք կառավարութիւնն է: Պէտք է ուրեմն մէկդի ձգել
այդ կառավարութիւնը, պէտք է ձեռք բեր ազգերու
և դաւանութիւններու հաւասարութիւնը օրէնքի առջև:
Ասկէ զատ՝ երկրին ազգաբնակութեան մէջ կը տիրէ
կուլտուրական աչքի զարնող անհաւասարութիւն:
Ազգաբնակութեան մէկ մասը՝ քիւրդը գեռ կը վարէ
կիսավայրենի, վրանաբնակ կեանք և իր է ուժեամբ
թշնամի է խաղաղ երկրագործ դասին: Վերոյիշեալ ան-
հաւասարութեան պատճառով հայ երկրագործ ժողո-
վուրդը անկարող դարձած է ինքինքը պաշտպանելու:
Եւ թիւրք կառավարութիւնը, փոխանակ օգնութեան
գալու կուլտուրապէս բարձր կանգնած խաղաղ, աշխատող
տարրին, փոխանակ զսպելու այդ աւազակներուն ան-
ընդհատ յարձակումները, փոխանակ աշխատելու այս կամ
այն միջոցով զանոնք խաղաղ պարապմունքի դարձնելու,
ընդհակառակը ինքն է որ կը քաջալերէ այդ աւազակ-
ները, անոնց կողոպուտին մէկ մասը ինքը ստէպ կը
վայելէ, և վերջապէս ինքն է որ բացարձակ կերպով, յայտ-

Նապէս զանոնք իր սեփական հրացաններովը կը զինէ:
Այս բացասական նշանակութենէն զատ՝ զոր ունի
թիւրք կառավարութիւնը մասնաւորապէս հայերու նը-
կատմամբ, ունի ընդհանուր նշանակութիւն մըն ալ իր
բոլոր հպատակներուն վերաբերմամբ:

Սկիզբները, երբ թիւրքերը նոր երեցան մեր կողմերը,
երբ դեռ ամեն մէկ թիւրք զինւոր էր, թիւրք կառա-
վարութիւնը առանձին մարմին չէր կազմեր գրեթէ. ինքը
նոյնն էր, ինչ որ էր համայն թիւրք ժողովուրդը և
ամբողջովին կը ծծէր հպատակ ժողովուրդներու արիւնը:
Բայց որովհետեւ այդ աշագին կազմութիւնն անկարող
էր պահպանել իր գոյութիւնը կողովուտով, որովհետեւ
ոչ մէկ հպատակ ժողովուրդ, որքան ալ աշխատասէր,
արդիւնաբերող լլլար, ոչ մի հնարաւորութիւն ունէր
կերակրել թէ զինքը և թէ զանոնք իր աշխատանքին
արդիւնքով, ուստի թիւրք ժողովրդին մեծագոյն մասը
պէտք է դիմէր խաղաղ պարապմունքներու, ստիպուած
ինքն ալ պէտք է արդիւնաբերէր, հպատակ ազգերու աշ-
խատանքով ապրելու արտօնութիւնը թողլով իր աւելի
ուժեղ աւելի ճարպիկ, աւելի խորամանկ մասին, որ և
եղաւ երկրին տիրապետող տարրը: Այդ գեռ հերթիք չէր:
Խաղաղ պարապմունքի գիմած թիւրք տարրը ոչ միայն
ստիպւած էր հրաժարիլ հպատակ ազգերու կեղերելու
իրաւունքն, այլ և հետագիւն ինքն ալ ինկաւ անօնց
գրութեան մէջ և նոյնպէս սկսաւ կեղերւիլ բռն իսկ իր
աղնւականութեան, բռն իսկ իր կառավարութեան ձեռքով:

Ահա այդ կառավարչական մարմինն է, որ բաւակա-
նին զտւելով ժողովրդէն, կապարի նման կը ծանրանայ
իր բոլոր խաղաղ հպատակներու կուրծքին վրայ: Ինքը
բազմաթիւ մշտական զօրք, թնդանօթներ, վերջին ձևի
հրացաններ ունի հիմա. իր հրամանին տակ են ստի-
կանութիւնը, լրտեսներու աշագին բանակը, գահիձները,

իր ձեռքն են բանտերը, աքսորավայրերը, և այդ իր ու-
ժով կը ձնչէ ու կը ծծէ... և վայ անոր, որ համար-
ձակի խել իրմէ կամ բոլորովին արգիլել ալդ ծծելու
իրաւունքը: Ապստամբ արապ լլլաւ ատիկա, թիւրք սօֆտա,
թէ հայ յեղափոխական, միւնոյն է: Այդպիսիներու դէմ
են՝ զօրքը, ժանդարմները, այդպիսիներու համար պատ-
րաստ է բանտը, աքսորը, կախաղանը: Մարդու հոգեկան
աշխարհը կաշկանդւած է ամեն կողմէ. հալածւած է
մամուլը, հալածւած է խօսքը, հալածւած է խիղճը:

Այս բոլորին վերջ կարող է տալ միմիայն բ ո ն ի
յ ե զ ա փ ո խ ո ւ թ ի ւ ն ը, և մենք ատոր կը դիմենք.
պէտք է թօթափել այդ խայտառակ լուծը, ոչնչացել
արդի միապետական բռնակալ րէժիմը (կարգեր), ձեռք
բերել ազգերու համերաշխութիւն, աշխատանքի ապա-
հովութիւն, խղճի, խօսքի ու համոզմունքի ապատութիւն:

Սակայն այդ արտաքին բռնակալ լուծը հեռացնելը,
ինքնավարութիւն ստանալը, վերը յիշած քաղաքական
իրաւունքները ձեռք բերելը մենք գեռ մեր նպատակին
հասած չենք համարիր. միայն գործի մէկ մասն է ատիկա:
Միայն ատոր մենք չենք կարող ապահովել աշխատաւո-
րին՝ իր աշխատանքէն լիսակտար կերպով օգտւելու
հնարաւորութիւնը: Աշխատաւոր գասին շահերու դիմաց
կանգնած է ուժ մըն ալ, որ այժմ համեմատաբար թոյլ
է, որ արդի պայմաններուն մէջ գեռ հնարաւորութիւն
չունի բացարձակապէս իր ամբողջ ուժով արտայայտե-
լու և որ որոշ չափով ձնչած է բռնապետական րէժիմի
տակ: Այդ ուժը տնտեսական զարգացման և, ատոր հե-
տեանք, տն տ ե ս ա կ ա ն անհաւասարութեան ուժն է:

Տնտեսական անհաւասարութիւնը մեր երկրին մէջ,
ինչպէս և ամենուրեք, ծագեցաւ այն ժամանակէն, երբ
աշխատանքի միջոցներուն կատարելագործման հետ միա-
սին, կարելի եղաւ արդիւնաբերել աւելի, քան պէտք էր

անհատին գոյութիւնը պահպանելու համար; Եւ որովհետեւ այդ միջոցներուն կատարելագործման հետ միաժամանակ առաջ եկաւ աշխատանքի բաժանումն ալ, որսորդներու քովն երեցան անսանապահները, երկրագործները, արչեստաւորները, ուստի այդ տարբեր պարապմունքի տէր դասերուն և անհատներուն մէջ անխուսափելի կերպով պէտք էր հաստատէր արդիւնքներու փոխանակութիւն, ուրիշ խօսքով՝ առետուր: Ահա այս ժամանակ կարելի եղաւ ձեռքէ ձեռք անցնել փոխադրել մէկ տեղէ միւս տեղ արդիւնաբերութեան աւելորդը, անհատները կամ համայնքները հնարաւորութիւն ունեցան հարստութիւն դիմելու իրենց մօտ, ահա այդ ժամանակ հասարակութեան մէջ ասպարէլ եկաւ անտեսական անհաւասարութեան յարատե ուժը: Դրամը՝ որ մոցւած էր փոխանակութիւնը դիմացնելու համար, սկսաւ աւելի և աւելի մեծ դեր խաղալ հանրային յարաբերութիւններու մէջ: Փողատէրը նոյնպէս, ինչպէս և փիզիքական ուժի տէրը, կարող էր ինքը չաշխատիլ շարդիւնագործել քրտինք չթափել այլ ապրիլ փառաւոր կերպով հարիւրաւոր, հազարաւոր աշխատաւորներու հաշւով:

Փողատէրը կամաց սկսաւ հաստատ դիմք բոնել և իր ձեռքն առաւ մեր երկրին մէկ բանի տնտեսական ֆունկիաները (գործառնութիւնը), բայց դեռ կարողացած չէ իր ձեռքը ձեռք երկրին ամբողջ տնտեսական կեանքը. ինքը գեռ անմիջական մասնակցութիւն չունի արդիւնագործութեան մէջ, ինչպէս տեղի կունենայ ատիկա տնտեսագէս աւելի զարգացած երկիրներու մէջ ուր գրամատէրերը վարձկան բանարուներու ձեռքով կը հերկեն իրենց հողերը, կը բանեցնեն գործարանները և այլն: Մեր մէջ փողատէրը կամ կը կատարէ միջնորդի դեր արդիւնաբերողներու և սպառողներու միջն,

տւելով, հարկաւ երկու կողմէն ալ կամ ահագին առկոսով ստակ փոխ կուտայ ասոր անոր, գլխաւորապէս արդիւնագործողին. այսինքն անիկա կամ վաճառ ական է կամ վաշխառու: Իսկ բուն արդիւնագործող դրամատիրութիւնը մեր մէջ գեռ այնքան չնչին և այնքան սաղմային վիճակի մէջ է, որ անոր մասին խօսիլն անգամ աւելորդ է:

Փողատէրը մէջ աշխատ գասը իր ցանցերով պատեր է ամբողջ երկրը և յաճախ ձեռք-ձեռքի տւած կառավարութեան պաշտօնեաներու, ազնւականութեան և եկեղեցականներուն հետ, երկաթէ ճանկերով կը քամեն աշխատաւոր ժողովրդին արիւնը: Իր ունեցած ուժին շնորհիւ կարողացեր է իրեն համար փափուկ դիրք մը ըստեղծել կարողացեր է ձեռք ձեռք զանազան առանձնաշնորհումներ և հարկերու ամբողջ ծանրութիւնը բեռցընել ինքն աշխատաւոր ժողովրդին վրայ: — Փողատէրը վաշխառուն եղեր է տարր մը, որուն հետ անխուսափելի կերպով կը նդհարւին ազգաբնակութեան բոլոր խաւերը. անոր կը դիմէ թէ՛ արդիւնաբերողը և թէ սպառողը, թէ աշխատանքի միջնորդներու կարօտ աշխատաւորը և թէ գւարճութիւններու ետևէ ինկած ազնւականը: Անոր կը դիմէ կառավարութիւնն ալ իր ընթացիկ ծախքերը գոցելու և իր պարտքերը վճարելու համար: Ասկէ զատ, անշնորհք թիւրը կառավարութիւնը իր ապուշ պաշտօնեաներով անընդունակ գտնւելով մինչեւ անգամիր հարկերը ինքը հաւաքելու, ստիպւած կը դիմէ փողատէրը վաշխառուներու միջնորդութեան: Այդպիսով գրամը կը դառնայ այն ուժը, որու առջև գլուխ կը խոնարհեցնեն թէ՛ ձնշւած աշխատաւորը և թէ՛ գոռող իշխանաւորը:

Դրամը աշխարհաբաղաքացի է, չի՛ ճանչնար ոչ ազգ, ոչ կրօնք, կը նայի ամենուն վրայ հաւասար աչքով, անխտիր կերպով կը կեղեքէ թէ՛ հայը և թէ՛ թիւրը,

թէ բիւրդը, թէ եղիդը... չի ճանշնար ո՛չ մէկ սրբութիւն, ո՛չ մէկ աւանդապահութիւն, հիմնայտակ կ'ընէ վաղեմի տոհմային կազմակերպութիւնը, խռովութիւններ կը ձգէ նահապետական ընտանիքի մէջ, կը քայրայէ համայնական կեանքը:

Դրամը որբան աւելի զարգանայ, այնքան աւելի զօրեղ կ'ըլլայ անոր յեղաշրջիչ ուժը, այնքան աւելի աչքի կը զարնէ տնտեսական անհաւասարութիւնը, այնքան աւելի խոր անդունդ կը բացէի հարուստներու և աղբատներու միջև, ինչպէս որ կը աեսնենք ատիկա տընտեսապէս աւելի զարգացած երկիրներու մէջ: Այնտեղ այդ անհաւասարութիւնը կը հասնի իր գագաթնակէտին՝ աղգաբնակութիւնը որոշ կերպով բաժանւած է երկու գասակարգի՝ փոքրաթիւ, բայց երկրին հարստութեան տէր բուրդուազիայի և բազմաթիւ՝ օրւայ հացի կարօտ պրօլետարիայի (բանւոր դասակարգի):

Տնտեսական այդ չարիքն տնտեսապէս կեղեքող գասին դէմ ալ կը կոռուինք այժմ: Ի գործ կը դնենք ամեն միջոց պահպանելու գոյութիւն ունեցող համայնական սկզբունքները: Մենք կ'աշխատինք տարածել համայնական սեփականութիւնը և համայնական աշխատանքը որպէսզի աւելի պատրաստ գտնւինք անցնելու հանրային այն կազմակերպութեան, որ այսօր վաղը պիտի հաստատէի տնտեսապէս աւելի զարգացած երկիրներու մէջ՝ պրօլետարիայի յեղափոխութիւնովը:

Այս ընդհանուր տեսութեանէն պարզ է՝ թէ թիւրքաց Հայաստանի դրութիւնը միանգամայն սարսափելի է շատ կողմերէ:

Ազատել ժողովուրդը այդ անտանելի դրութեանէն, ստեղծել այնպիսի պայմաններ, որոնք թոյլ տան անոր մտնել ընդհանուր մարդկութեան զարգացման շաւլին մէջ՝ կարելի է միայն յեղափոխութիւնով:

Ընդունելով իբրև սկզբունք, որ ամեն մարդ իր ճակտին բրտինքով պիտի վաստկի իր կերպած հացը, որ հաւասար աշխատանքի հետ անհատը պիտի ունենայ նոյնպէս հաւասար իրաւունք կեանքէն օգտւելու,

Նկատելով՝ որ ամբողջ կուլտուրական աշխարհի պատմութիւնը հազարաւոր տարիներու ընթացքով մեզի ցոյց կուտայ՝ թէ յանձնել ամբողջ ժողովրդին բախտը մէկ գասակարգի, որ իր կացութիւնը կարող է հաստատել ծագման, ֆիզիքական և նիւթական ուժի կամ թէ նոյն խսկ ուսման վրայ, տալ կառավարութեան ղեկը ո՛ր և է դասակարգի, կը նշանակէ այդ գասակարգը Ճնշող տարր մ'ընել ծառայ գարձնել ժողովուրդը այդ փոքրիկ մասին և միւնոյն ժամանակ անբարոյականացնել իշխող պօլիտիկուներին,

Նկատելով՝ որ հանրային կեանքի ալիքը, թուլցնելով առանձին անհատի գագանական ձգտութեան և պակսեցնելով նիւթական, տնտեսական անհաւասարութեան հետ անխտիր կապւած Ճնշումը, կը տանի մեզ զէպի եղբայրական սկզբունքները, գէպի ընկերական, համայնական հաստատութիւնները,

Նկատելով այս բոլորը, մենք կ'ընդունինք իբրև

Ն Պ Ա Տ Ա Կ

„Հայ Յեղափոխական Դաշնակցութեան“ նպատակն է ապստամբութեան միջոցով թիւրքաց Հայաստանի մէջ ձեռք բերել քաղաքական և տնտեսական աղատութիւն, դնելով ներկայիս մէջ հետեւել պահանջները:

1. Ապագայ ազատ Հայաստանի մէջ իշխող ժողովրդական ուամկավարական կառավարութիւնը, ծառայելով ընդհանրութեան շահերուն՝ անշուշտ հաւատաւած պէտք է ըլլայ ամեն չափահաս բնակչի հաւասար ընտրողական

իրաւունքին վրայ, առանց ընտրողական որ և է սակի (ցեղի), իսկ այդ շահերը իրականապէս պաշտպանելու համար ընտրողական սկզբունքը կառավարչական բովանդակ գործութիւններէն սկսեալ դէպի աւելի նեղ՝ գաւառականը և համայնականը պէտք է ստանայ աւելի և աւելի լայն ծառալ:

2. Կեանքի և աշխատանքի ապահովութիւն ամենալիստ միջոցներով:

3. Տարբեր ազգութիւններու և գաւանութիւններու հաւասարութիւն օրէնքի առջե:

4. Ազատութիւն խօսքի, մամուլի, ժողովներու:

5. Հող չունեցողին հող տալ և ապահովել մշակողին հողէն օգտաելու հնարաւորութիւնը:

6. Ամեն տեսակ տուրքերու քանակութիւնը պէտք է որոշւի ըստ կարողութեան, համբայ ական սկզբունքով որ դարերէ իվեր խոր արմատ ձգած է մեր ժողովրդին մէջ:

7. Ոչնչացնել ամեն տեսակ պարտաւորեցուցիչ և չփարձատրւող աշխատանք, ինչպէս կոռու բէկա անկար իս, օլամ և այլն:

8. Ոչնչացնել զինւորական տուրքը, հաստատելով տեղի և ժամանակի պահանջին համեմատ զինւորագրութիւն:

9. Ամեն կերպով նպաստել ժողովրդին մտաւոր զարգացման: Ուսումը պարտաւորիչ ընել:

10. Զարգացնել ժողովրդին արդիւնաբերութիւնը, մացնելով անոր մէջ նոր ձեւեր համայնական սկզբունքներով և ընդլայնել արտածութեան միջոցները:

11. Ուժ տալ գիւղացու, արշեստաւորի համայնական սկզբունքներուն, զարգացնելով այն ընկերական հիմնարկութիւնները, ձեւերը, որոնք ծագեր են Հայաստանի հողին վրայ տեղական և պատմական հանգամանքներու ազգեցութեան տակ: Ընդարձակել այդ հիմնարկութիւններուն սահմանը, սկսած թաղէն, գիւղէն մինչև գաւառը

և ապա մինչև ամբողջ պետութիւնը ու այդպիսով միանգամայն ապահովել համայնքի ամէն մէկ անդամը բնութեան և ընթացիկ կեանքի պատահական հարւածների դէմ:

Մ Խ Զ Ա Ց Ն Ե Ր

“Հ ա յ Յ է ղ ա փ ո խ ա կ ա ն Դ ա շ ն ա կ ց ո ւ թ ի ւ ն ը” ապստամբութեան միջոցով իր նպատակին համեմու համար կը կազմակերպէ յեղափոխական խմբեր, որոնք կառավարութեան դէմ անընդհատ և զօրեղ կռւի հետ կռիւ կը մղեն նաև այն ընդհանուր պայմաններուն դէմ, որոնցմէ նեղւած են միենոյն ժամանակ թէ՛ հայ և թէ՛ օտար տարրերը (ասորիները, եղիգները, քրդերուն մէկ մասը, խաղաղ թիւքերը և այլն): Այս ուղղութիւնն, իր ընդհանուր նշանակութենէն զատ, կարող է, եթէ ոչ միացնել, գէթ չեղոքացնել օտար տարրերու ընդդիմագրական ուժը:

Յեղափոխական խմբերը ի գործ դնելու են հետեւել միջոցները.

1. „Դաշնակցութեան“ գլխաւոր սկզբունքները, նըպատակը, ինչպէս նաև յեղափոխական գործին գիտակցօրէն վերաբերութեան համար պրօպականա ընել:

2. Կազմակերպել մարտական խմբեր, յատկապէս պարապել անոնց հետ վերսյեշեալ ինդիրներով և գործով պատրաստել:

3. Ամեն միջոց ի գործ դնել թէ՛ խօսքով և թէ՛ գործով բարձրացնելու ժողովրդին յեղափոխական գործն ու օգին:

4. Ամեն միջոց ի գործ դնել ժողովուրդը զինելու:

5. Կազմակերպել յեղափոխական կօմիտէներ և սերտ կապ հաստատել անոնց միջւ:

6. Ուսումնասիրել երկիրը և ժողովուրդը յեղափոխական տեսակէտէն և յարտակ նիւթ մատակարարել „Դաշնակցութեան“ օրգանին („Դրշակ“):

7. Կազմակերպել գրամական շրջաններ:

8. Կոմիտ մղել և ահաբեկել կառավարութեան պաշտօնեաները, մատնիչները, գաւաճանները, վաշխառուները և ամեն տեսակ հարստահարիչները:

9. Պաշտպանել Խաղաղ ժողովուրդը, ազգաբնակութիւնը աւազակներու յարձակումներու դէմ:

10. Ճանապարհներ հաստատել՝ մարդիկ և զէնք տեղափոխելու համար:

11. Կառավարութեան հիմնարկութիւնները ենթարկել աւերումներու և կողոպտումներու:

Կ Ա Զ Մ Ա Կ Ե Ր Պ Ո Ւ Թ Ի Ւ Ն

„Դաշնակցութիւնը“ անցեալին փորձէն համոզուած է, թէ յեղափոխական գործին մէջ իրաւունքի և պահանջի խնդիր չի կրնար ըլլալ, այլ միմիայն բարոյական պարտաւորութեան ու բաւարարութեան խնդիր: Այս այս հիման վրայ „Դաշնակցութեան“ ընդհանուր ժողովը ընդունեց կազմակերպութեան մէջ մըտցնել ապահով կերպութեան սկզբունքը, որ աւելի կը համապատասխանէ ընկերական, բարոյական յեղափոխական գործին և որ անցեալին մէջ կիսով չափ գործադրուեր: Է Սոյն սկզբունքով գործող կօմիտէները կը կապէ, կը միացնէ Ընդհանուր ժողովը, որ մշակեր է ներկայ ծըռագիրը, որու վճիռները պարտաւորիչ են ամենուն համար և ինքը միայն կարող է փոփոխութիւն մտցնել ծրագրին մէջ:

Կազմակերպութիւնը հետեւալ ձեւը կը նդունի.

1. Բոլոր կօմիտէները թէ՛ քաղաքներու և թէ՛ գիւղերու մէջ իրենց ներքին գործերը կը վարեն անկախ, ինքնուրոյն կերպով:

2. Գաւառական քանի մը խմբեր կը միանան և կը կազմեն շրջան մը, որ ունի իր կերպոնական կօմիտէն:

3. Եթէ թիւրքաց Հայաստանի սահմանակից գիւղերուն մէջ խմբեր չկան, կերպոնական կօմիտէին գործը կը տարածւի սահմանէն դուրս:

4. Խրաբանչիւր անդամ կ'ենթարկւի այն կօմիտէին, որուն մէջ կը գտնւի (խմբական և ոչ անհատական ապակեգրունացում):

5. Կօմիտէ չեղած տեղը „Դաշնակցութեան“ անդամը կը գործէ անկախ, յարաբերութիւն ունենալով մօտակայ կօմիտէի հետ:

6. Դաշնակցական կօմիտէներուն և անդամներուն համար կ'ընդունւի խիստ ընկերական դատաստան:

7. Ո՞ր և է կօմիտէի անդամի սխալը կամ գեղծումը կը քննէ ինքը կօմիտէն, իսկ ամբողջ կօմիտէինը՝ իր շրջակայ կօմիտէներուն ներկայացուցիչները: Ծանրակշիռ պարագաներու մէջ, երբ գրացի կօմիտէները անձեւնհասեն վճիռ կայացնելու, այն ատեն Ընդհանուր ժողովը է որ ըննութիւնը կը կատարէ:

* *

Կօմիտէները իրենց բոլոր կարևոր տեղեկութիւնները՝ թէ՛ գործունէութեան և թէ՛ պահանջի մասին պարբերաբար կը խրկին այն հիմնարկութեան, որ կը կոչւի բիւրօն^{*)}: Առ այժմ այդպիսի երկու բիւրօն կայ: Խրաբանչիւր բիւրօն ստանալով վերոյիշեալ գրաւոր տեղեկութիւնները, կը հաղորդէ թէ միւս բիւրօններուն և թէ իր շրջանի կօմիտէներուն: Այն տեղեկութիւնները, որոնք հարկաւոր են խմբագրութեան, բիւրօնները անյապաղ կ'ուղարկեն անոր: Բիւրօններուն մէջ ամփոփուած տեղեկութիւններէն կարելի է գաղափար կազմել

^{*)} Արտասահմանէն կարելի է դիմու „Դրօշակա-ի խմբագրութեան հասցէին:

յեղափոխական գործին դրութեան և ընթացքի մասին»

‘Ծանօթ. Եթէ որեւ ուրիշ կէտ մը գործունէութեան տեսաւ կէտով մեծ նշանակութիւն առանայ, նա ալ կ’ունենայ բիւրօ:

* * *

Կւրաքանչիւր կօմիտէ հաւաքած նպաստներով իր տեղական պէտքերուն գոհացում տալէն ետքը աւելորդ գումարը կը խրկէ կեդրոնական արկղը:

Դրամական բոլոր հաշիւները կը կեդրոնանան բիւրօներուն մէջ:

Ամեն կօմիտէ պարտաւոր է ամիսն անգամ մը հաշիւներկայացնել այն բիւրօին, որուն հետ կապւած է:

‘Ծախըի հաշիւր, ծայրայեղ պարագայի մէջ կարելի է յետաձգել մինչեւ երեք ամիս:

* * *

Դաշնակցութիւնն ունի իր օրդանը, „Դրօշակ“ անունով: „Դրօշակ“-ը պիտի ըլլայ անկեղծ արտայայտող, թարգման հայ յեղափոխական կեանքին, երեսյթներուն, անոր մէջ պիտի շօշափւին տնտեսական, հաստրակական, քաղաքական խնդիրներ՝ համաձայն Դաշնակցութեան ծրագրած ուղղութեան: Կը հրատարակւին նաև ժողովրդական ու գիտական-ընկերութական գրւածքներ:

Ամեն կօմիտէ կարող է հրատարակել կարեոր պարագաներու մէջ „Թոռուցիկ Թերթ“:

Ներկայացնելով սոյն ծրագիրը, ուրախութեամբ կընդունինք ատոր վերաբերեալ բոլոր գիտողութիւնները՝ ապագայ Հնդչանուր ժողովին ներկայացնելու համար:



1589 - 2002

ՀԱՅ ՅԵՂ. ԴԱՅՆԱԿՑՈՒԹԵԱՆ

ՀՐԱՏԱՐԱԿՈՒԹԻՒՆՆԵՐԸ

	Ք. Ա.
1. Սպասամբական ոզի (սպառածած)	.10
2. Ենդափոխական կետթից (սպառ.)	.05
3. Գաղտնի սպառան (սպառ.)	.05
4. Դիմուկան սօցիալիզմ. Ֆ. էնգելս (սպառ.)	.40
5. Հայ Ենդ. Դասանկցութեան ծրագիր.	—
6. Կուկունեան խմբի առօսաւանքը. (սպառ.)	.20
7. Կարևոյ յիշուակին (Զորս հաստած)	.50
8. Հ. Յ. Պ. Երերոց բնդի. Ժողովի առենագրութիւնը	—
9. Քրիչներ, Homo homini lupus, Վ.Ա.ՐԴԳԵՍ (սպառ.)	.20
10. Երթասարդներն. Պ. ԿՐՈՊՈՏԿԻՆ. (սպառ.)	.20
11. Սպասութեան հանուպարհին. Ղ.Ա.ԲԻԲ. Ա. (սպառ.)	.30
12. " " " Բ.	.60
13. Ամբոխային տրամաբանութիւն. Է.Ա.Է.Խ. (սպառ.)	.50
14. Սպասութեան հանուպարհին. Ղ.Ա.ԲԻԲ. Գ.	.30
15. Հայուսան և Մակերտիսա.	.50
16. Կովկասան վերեր. Է. Ա.Կ.Ռ.Խ. (սպառ.)	3.00
17. Հայրենիքի գաղափարը. Մ. Վ.Ա.ԹԱՆԴԵՍԻՆ (սպառ.)	1.00
18. Կազմովերպական կանոններ.	—
19. Դեպի կրիս. Է. Ա.Կ.Ռ.Խ. (սպառ.)	2.00 (Կովկաս՝ 1 րուլիք, Ամերիկա՝ 1/2 դոլար).
20. Ենդափոխականներ. Ա. Ներվ.Ա.ՆեսԱՆ (սպառ.)	.20
21. Կախազիք Կովկասան զոհութեութեան.	—
22. Պոլվու ցարիզմա. Վ. Արարատէին.	.50
23. Les tueries de Bakou Ա. ARAZI	.20
24. Ենդափոխական դասն.	.20
25. Հ. Յ. Պ. Երերոց բնդի. Ժողովի առենագրութիւնը.	—
26. Կոյ Մահմետականներն (բուրբեկն)	.10
27. Les Plates du Caucase Է. AKOUNOUN	2.00
28. Սպասութեան հանուպարհին. Ղ.Ա.ԲԻԲ. Գ. գրեյլ.	.40
29. Մեծ մարդասպանի դեմ (Բատայտութիւն).	.50

Մ Ե Շ Ա Դ Ի Ր Պ Ա Շ Կ Ե Ր Ն Ե Ր

Թարկէնի, Պետօի, Կարօի, Ենրորի, Վահանի, Հայրի,
Ենրորի և որդոց. հասր 50 սահմիմ:
,,Հայկական Սպասամբարը” — Ա.Լ.Եղորի, Ենդ Տիս, Խոջու
ղիրնոյ, պատի համար — հասր 1 ժամի:

Բ Ա Ց Կ Ա Մ Կ Ե Ր

Ենդափոխական եերուաների պատկերներով, „Հայկական
սպասամբարը” և Ֆինլանդիա-Կովկաս. հասր 10 սմ.

ԱՆԻՄԱՆԱԴԻՆ

ԵՎ

ՀԱՍԿԱՆԱԴԻՆ

Գիրք Երախտիքի

2013

«Ազգային գրադարան



7342 NL0040779

